



Br:

15. januar 2025. godine

### **PREDLOG PLATFORME**

*za radnu posjetu potpredsjednika Vlade i ministra vanjskih poslova mr Ervina Ibrahimovića Sjedinjenim Američkim Državama povodom prisustva na inauguraciji novoizabranog predsjednika Donalda Trampa, 18–21. januar 2025.*

Potpredsjednik Vlade i ministar vanjskih poslova mr Ervin Ibrahimović će, u periodu od 18. do 21. januara 2025, boraviti u posjeti Sjedinjenim Američkim Državama, kojom prilikom će prisustvovati ceremoniji inauguracije novoizabranog predsjednika Sjedinjenih Američkih Država Donalda Trampa.

### **OPŠTE INFORMACIJE**

Na poziv kongresmenke Nikol Maliotakis (Republikanska stranka), potpredsjednik Vlade i ministar vanjskih poslova mr Ervin Ibrahimović će prisustvovati šezdesetoj predsjedničkoj inauguraciji koja će se održati u ponedjeljak, 20. januara 2025. u Vašingtonu. Tog dana, novi američki predsjednik Donald Tramp položiće zakletvu čime će zvanično stupiti na dužnost 47. Predsjednika Sjedinjenih Američkih Država. Tokom boravka u Vašingtonu, potpredsjednik Vlade i ministar vanjskih poslova mr Ervin Ibrahimović će prisustvovati i događaju koji povodom inauguracije novog američkog predsjednika organizuje Kancelarija kongresmenke Nikol Maliotakis, 19. januara 2025.

Zajednički kongresni Komitet za inauguracione ceremonije (JCCI) odgovoran je za planiranje i sprovođenje inauguracionih ceremonija izabranog predsjednika i potpredsjednika Sjedinjenih Američkih Država u Kapitolu.

Uobičajno je da novi Predsjednik tradicionalno održi inauguracioni govor na Kapitolu nakon polaganja zakletve, uz prisustvo javnosti koja je pozvana da prisustvuje ceremoniji prenosa vlasti. Nakon toga, slijedi vojna parada, kao i tradicionalni inauguracijski ručak.

### **ZNAČAJ UČEŠĆA**

Prisustvo potpredsjednika Vlade i ministra vanjskih poslova mr Ervina Ibrahimovića na inauguraciji novog predsjednika Sjedinjenih Američkih Država Donalda Trampa je od posebnog značaja za Crnu Goru, imajući u vidu su Sjedinjene Države jedan od ključnih evroatlantskih saveznika. Učešće će omogućiti uspostavljanje inicijalnih kontakata sa novom američkom administracijom koja će predvoditi procese u naredne četiri godine, a koji će biti od važnosti i za postizanje definisanih prioriteta Crne Gore kao kredibilne NATO članice i najnaprednijeg kandidata za članstvo u EU. Dodatno, učvršćivanje kontakata biće značajno za obezbjeđivanje kontinuiteta već iniciranih ili planiranih projekata na bilateralnoj crnogorsko-američkoj agendi.

## **SASTAV DELEGACIJE**

Delegaciju će činiti potpredsjednik Vlade i ministar vanjskih poslova mr Ervin Ibrahimović.

Troškove posjete potpredsjednika Vlade i ministra vanjskih poslova snosiće Ministarstvo vanjskih poslova.